



সুন্নাতে রাসূল আঁকড়ে ধরা এবং বিদ্‌আত থেকে সতর্ক থাকা অপরিহার্য

মূলঃ-

শেখ আব্দুল আযীয বিন আব্দুল্লাহ বিন বায

وجوب
لزوم السنة

الشيخ
عبدالعزیز بن با

ترجمة
محمد رقيب الدي

মুফতী প্রধান, মহাপরিচালক
ইসলামী গবেষণা ও ফাওন্ডেশন অধিদপ্তর ও প্রধান, উচ্চ ওলামা পরিষদ
সৌদী আরব
অনুবাদঃ
মুহাম্মদ রকীবুদ্দীন আহমাদ হোসাইন
মুদ্রণ ও প্রকাশনাঃ
ইসলামী বাতায়ন, এডিশন, কাকতালিক ও বর্ষ বিজয়ক মন্ত্রণালয়
সৌদী আরব।

بنغالي
مسلم

**সূন্নাতে রাসূল আঁকড়ে ধরা
এবং
বিদআত থেকে সতর্ক থাকা অপরিহার্য**

মূল আরবীঃ
মহামান্য শারখ আব্দুল আযীয বিন আব্দুল্লাহ বিন বায
এখান, ইসলামী গবেষণা, ইক্তা, দাওরাত
ও ইরশাদ বিভাগ, রিয়াদ

অনুবাদঃ
মুহাম্মদ রকীবুদ্দীন আহমদ হুসাইন



আব্দায়া শায়খ বিন বাযের সংক্ষিপ্ত পরিচয়

আব্দায়া শায়খ আবদুল আযীয বিন আবদুল্লাহ বিন বায বর্তমান মুসলিম বিশ্বে এক সুপরিচিত ইসলামী ব্যক্তিত্ব। অনন্য প্রজ্ঞা, অসাধারণ পাণ্ডিত্য, উদার চরিত্র এবং ইসলাম ও মুসলমানদের স্বার্থে নিরলস খেদমতের জন্য দেশ ও মাযহাব নির্বিশেষে তিনি সকলের কাছে সমাদৃত। বিশ্ব মুসলিমের ঐক্য ও সহতি প্রতিষ্ঠায় এবং ইসলাম বিরোধী নানা চক্রান্ত ও কলা-কৌশলের বিরুদ্ধে তাঁর অকুতোভয় জিহাদ সর্বত্র প্রশংসনীয়। কুরআন ও সুন্নাতে বর্ণিত খাটি ইসলামী আকীদার প্রচার এবং কাল-পরিক্রমায় মুসলিম সমাজের জটবীধা কুসংস্কার ও বিদ্‌আতের প্রতি অঙ্গুনি নির্দেশের মাধ্যমে উম্মাতের কাছে ইসলামের প্রকৃত রূপ পুনঃস্থাপনের চেষ্টায় তিনি নিয়োজিত। তাওহীদের প্রতিষ্ঠা ও সুন্নাতে রাসূলের বাস্তবায়ন সংক্রান্ত বিষয় তাঁর লেখনী, বক্তৃতা ও প্রতিষ্ঠানিক ব্যহৃতার মুখ্য অংশ। হক ও বাস্তবের পার্থক্য নির্ধারণে কখনও কোন শঙ্কা বা প্রলোভন তাঁর অকুতোভয় চরিত্রকে প্রভাবিত করতে পারেনি।

আব্দায়া শায়খ বিন বায ১৩৩০ হিজরীর জিলহাজ্জ মাসে সৌদী আরবের রাজধানী রিয়াদ শহরে জন্ম গ্রহণ করেন। ছাত্র জীবনের প্রথম দিকে তাঁর দৃষ্টিশক্তি ভালই ছিল। ১৩৪৬ সনেই তাঁর চোখে প্রথম রোগ দেখা দেয় এবং এর কালে তাঁর দৃষ্টিশক্তি দুর্বল হয়ে পড়ে। অতঃপর, ১৩৫০ সনের মুহাররাম মাসে অর্থাৎ বিশ বছর বয়সে তাঁর দৃষ্টিশক্তি সম্পূর্ণভাবে লোপ পায়। এ সম্পর্কে তিনি বলেনঃ “আমার দৃষ্টিশক্তি হারানোর উপরও আমি আব্দাহ পাকের সর্ববিধ প্রশংসা জ্ঞাপন করি। আব্দাহ পাকের কাছে দোয়া করি তিনি যেন এর

পরিবর্তে দুনিয়াতে জ্ঞান ও প্রজ্ঞা এবং আখিরাতে উত্তম প্রতিফল দান করেন, যেমন তিনি তাঁর রাসূল মুহাম্মাদ সাল্লাল্লাহু আলাইহি ওসাল্লামের ভাষায় এই সম্পর্কে প্রতিশ্রুতি দিয়েছেন। আমি আল্লাহ পাকের কাছে আরো দোয়া করি তিনি যেন দুনিয়াতে ও আখিরাতে আমার শুভ পরিণতি দান করেন।”

বাল্যকাল হতেই শায়খ বিন বায লেখাপড়া শুরু করেন। বাল্যেই হওয়ার পূর্বেই তিনি কোরআন শরীফ হিফ্জ করে ফেলেন। মক্কার খ্যাতনামা ক্বারী শায়খ সা'দ ওকাস আল-বুখারীর নিকট তাজবীদ শিক্ষা লাভ করেন। অতঃপর তিনি সৌদী আরবের তৎকালীন গ্রান্ডমুফ্তী মুহাম্মাদ বিন ইব্রাহীম বিন আবদুল লতীফ আল শায়খ সহ দেশের খ্যাতনামা আলেমগণের নিকট শরীআতের বিভিন্ন শাখা ও আরবী ভাষায় গভীর শিক্ষা লাভ করেন। গ্রান্ডমুফ্তী শায়খ মুহাম্মাদ বিন ইব্রাহীমের নিকট একাধারে তিনি দশ বছর বিভিন্ন ধর্মীয় বিষয়ে হাতে কলমে শিক্ষা গ্রহণ করেন।

১৩৫৭ সনে উক্ত শায়খ মুহাম্মাদ বিন ইব্রাহীমের প্রস্তাবানুযায়ী তিনি রিয়াদের অদূরে আল-খারজ এলাকার বিচারপতি নিযুক্ত হন। দীর্ঘ চৌদ্দ বছর বিচারপতির দায়িত্ব পালনের পর ১৩৭২ সনে রিয়াদ প্রত্যাবর্তন করেন এবং রিয়াদ মাহাদে ইলমীতে শিক্ষকতার কাজে নিয়োজিত হন। এর এক বছর পর তিনি রিয়াদের শরীআত কলেজে অধ্যাপনার কাজ শুরু করেন। দীর্ঘ নয় বছর এই কলেজে তিনি ফিক্হ, তাওহীদ ও হাদীস শাখা শিক্ষা দান করেন। ১৩৮১ সনে যখন মদীনায় ইসলামী বিশ্ববিদ্যালয় প্রতিষ্ঠিত হয় তখন শায়খ বিন বায এর প্রথম ভাইস চ্যান্সেলর পদ অলঙ্কৃত করেন। ১৩৯০ সনে তিনি বিশ্ববিদ্যালয়ের চ্যান্সেলরের পদে উন্নীত হন এবং ১৩৯৫ সন পর্যন্ত এই পদে বহাল থাকেন। অতঃপর ১৩৯৫ সনে বাদশাহী এক ফরমানের অধীনে তাঁকে “ইসলামী গবেষণা, ফাতওয়া, দাওয়াত ও

ইরশাদ" দারুল ইফতা নামক সৌদী আরবের সর্বোচ্চ ধর্মীয় প্রতিষ্ঠানের প্রধান নিয়োগ করা হয়। অদ্যাবদি, তিনি এই গুরুত্বপূর্ণ পদে সাফল্যের সাথে দায়িত্ব পালন করে যাচ্ছেন।

উক্ত দায়িত্বের পাশাপাশি আরো অনেক সহযোগী সংস্থার সাথে শায়খ বিন বায জড়িত রয়েছেন। যেমন :

- ১। সদস্য, উচ্চ উলামা পরিষদ, সৌদী আরব।
- ২। প্রধান, স্থায়ী ইসলামী গবেষণা ও ফাতওয়া কমিটি।
- ৩। প্রতিষ্ঠাতা প্রেসিডেন্ট ও সদস্য, রাবেতায় আলমে ইসলামী।
- ৪। প্রেসিডেন্ট, আন্তর্জাতিক মসজিদ সংক্রান্ত উচ্চ পরিষদ।
- ৫। সদস্য, উচ্চ পরিষদ, মদীনা ইসলামী বিশ্ববিদ্যালয়।
- ৬। প্রেসিডেন্ট, ইসলামী ফিকহ পরিষদ, মক্কা শরীফ।
- ৭। সদস্য, উচ্চ কমিটি দাওয়াতে ইসলামী, সৌদী আরব।

আল্লামা শায়খ বিন বায ছোট-বড় অনেক মূল্যবান গ্রন্থের রচয়িতা। তন্মধ্যে সঠিক ধর্ম বিশ্বাস ও উহার পরিপন্থী বিষয়, ইসলামের দৃষ্টিতে আরব জাতীয়তাবাদ, আল্লাহর দিকে আহ্বান ও আহ্বানকারীর চরিত্র, সূন্নাতে রাসূল আঁকড়ে ধরা, বেদআত থেকে সতর্ক থাকা অপরিহার্য, হাজ্জ, উমরা ও যিয়ারত সম্পর্কিত বিষয়াদির বিশ্লেষণ, আল্লাহর পথে জিহাদ ইত্যাদি। এ ছাড়া শরহ আকীদায়ে তাহাভীয়া ও ফাতহুল বারী শারহ বুখারী সহ কয়েকটি গ্রন্থের উপর তাঁর টিকা রয়েছে।

সম্প্রতি শায়খ বিন বাযের বিভিন্ন বক্তৃতা, রচনা, প্রশ্নোত্তর ও পত্রাবলী একত্রে সংকলনের কাজ শুরু হয়েছে। মাজ্মু ফাতাওয়া ও মাকালাত মুতানাওয়ীয়া (**مجموع فتاوى ومقالات متنوعة**) শিরোনামে এই সংকলনের প্রথম চার খন্ড ইতিমধ্যেই প্রকাশিত হয়েছে। ৫ম ও ৬ষ্ঠ খণ্ডের কাজ সমাপ্তির পথে। সংকলনের প্রথম ছয় খণ্ডই তাওহীদ ও তার আনুসঙ্গিক বিষয়াদির উপর। পরবর্তী খন্ড-

ওলোতে যথাক্রমে হাদীস, সালাত, সিয়াম, ষাকাত, হাজ্জ ইত্যাদি অন্তর্ভুক্ত হবে।

“ইসলামী গবেষণা” পত্রিকার সম্পাদক এবং শায়খ বিন বাযের বিশেষ উপদেষ্টা ডঃ মুহাম্মাদ বিন সা‘দ আল-শুয়াইর এর তত্ত্বাবধানে আমার উপর এই সংকলনের দায়িত্ব অর্পিত হওয়ার আমি নিজেকে ধন্য মনে করছি। এই মহান দায়িত্ব পালনে আল্লাহ পাকের বিশেষ তাওফীক কামনা করি।

আল্লামা শায়খ বিন বায বিভিন্ন রকমের গুরুদায়িত্ব পালনে নিষ্ঠা থাকা সত্ত্বেও দাওয়াত, দরস ও ওয়াজ নসীহতের কর্তব্য থেকে কখনও বিচ্যুত হননি। সংকাজের আদেশ ও অসংকাজে নিষেধ থেকে কোন উপলক্ষ বাদ পড়েনি। আল-খারজ এলাকায় বিচারপতি থাকাকালীন সেখানে দরস ও ওয়াজ নসীহতের হালকা প্রবর্তন করেন। রিয়াদ প্রত্যাবর্তনের পর রিয়াদস্থ প্রধান জামে মসজিদে যে দরসের প্রবর্তন করেছিলেন তা আজও জারী রয়েছে। মদীনার থাকা কালীন সেখানেও দরসের হালকা প্রবর্তন করেন। এমন কি সাময়িক ভাবে কোন শহরে স্থানান্তরিত হলে সেখানেও তিনি দরসের হালকা জারী করেন। এতদ্ব্যতীত, সময়ে সময়ে বিভিন্ন সংস্থা ও প্রতিষ্ঠানে উপস্থিত হয়ে ইসলামের বিভিন্ন বিষয়ে সারগর্ভ বক্তৃতা ও উপদেশ প্রদানের সুযোগও তিনি হাত ছাড়া করেন না।

আল্লাহ পাক তাঁকে ইসলাম ও মুসলমানদের খেদমতের জন্য আরো তাওফীক এবং ইহকাল ও পরকালে শুভ পরিণতি দান করুন।
আমীন।

অনুবাদক
মুহাম্মাদ রকীবুদ্দীন হুসাইন
মাহে রামাযান, ১৪১১ হিজরী

بِسْمِ اللَّهِ الرَّحْمَنِ الرَّحِيمِ

পরম করুণাময় মেহেরবান আল্লাহর নামে শুরু করছি

সূন্নাতে রাসূল আঁকড়ে ধরা এবং বিদআ'ত থেকে সতর্ক থাকা অপরিহার্য

সকল প্রশংসা আল্লাহর জন্য যিনি দীনকে পূর্ণতা দান করেছেন এবং আমাদের জন্য সকল কল্যাণ বিধান করে ইসলামকে দীন হিসাবে নির্বাচন করেছেন। শান্তি ও করুণা বর্ষিত হউক তাঁরই বিশেষ বান্দাহ ও রাসূল মুহাম্মদের উপর যিনি অতিরঞ্জন, বিদআ'ত (নব প্রথা) ও পাপাচার হতে মুক্ত থেকে তাঁর প্রভুর আনুগত্য করার প্রতি আহ্বান করেছেন। আল্লাহ তাঁর উপর, তাঁর বংশধর ও সাহাবী এবং কিয়ামত পর্যন্ত যারা তাঁর প্রদর্শিত পথের অনুসারী হবে সকলের উপর করুণা বর্ষণ করুন।

অতঃপর, ভারতের উত্তর প্রদেশের শিব নগরী কানপুর থেকে প্রকাশিত 'ইদারাত' নামক এক উর্দু সাপ্তাহিকীর প্রথম পৃষ্ঠায় প্রকাশিত একটি প্রবন্ধ সম্পর্কে আমি অবহিত হলাম। এতে প্রকাশ্যভাবে সৌদী আরবের অবলম্বিত ইসলামী আক্বীদা সমূহ এবং বিদআ'ত বিরোধিতার উপর আক্রমণাত্মক অভিযান চালানো হয়েছে। সৌদী সরকার কর্তৃক অবলম্বিত সলফে সালেহীনের আক্বীদাকে সুন্নাহ বিরোধী বলে দোষারোপ করা হয়েছে। লেখক আহলে সুন্নাতের মধ্যে ঐক্য ও সংহতি বিনষ্ট করে তাদের মধ্যে বিদআ'ত ও কুসংস্কারের প্রসার সাধনের দূরভিসন্ধি নিয়েই উক্ত প্রবন্ধটি রচনা করেছেন।

নিঃসন্দেহে এটি একটি জঘন্য আচরণ ও ভয়ানক চক্রান্ত, যার উদ্দেশ্য ইসলাম ধর্মের ক্ষতি এবং ভ্রষ্টতা ও বিদআ'তের প্রসার সাধন। লেখক রাসূলুল্লাহর জন্মানুষ্ঠান বা মিলাদ মাহফিল আয়োজনের উপর

পরিষ্কারভাবে জোর দিয়েছেন এবং এ প্রসঙ্গ ধরে সৌদী আরব ও তার নেতৃত্বের বিস্তৃত আকীদার উপর বিরূপ আলোচনার সূত্রপাত করেছেন। অতএব, জনসাধারণকে এ সম্পর্কে সতর্ক করে দেওয়ার প্রয়োজন অনুভূত হওয়ায় আল্লাহ তায়ালা সাহায্য প্রার্থনা করে আমি নিম্নোক্ত বক্তব্য প্রদান করছি।

রাসূল সাল্লাল্লাহু আলাইহি ওয়াসাল্লাম বা অন্য কারো জন্মোৎসব পালন করা জায়েজ নয়, বরং তা বারণ করা অবশ্য কর্তব্য। কেননা, এটি ধর্মে নব প্রবর্তিত একটি বিদআ'ত। রাসূল সাল্লাল্লাহু আলাইহি ওয়াসাল্লাম কখনও এ কাজ করেননি। তাঁর নিজের বা তাঁর পূর্ববর্তী কোন নবী বা তাঁর কোন দুহিতা, স্ত্রী, আত্মীয় অথবা কোন সাহাবীর জন্মদিন পালনের কোন নির্দেশ তিনি দেননি। খোলাফায়ে রাশেদীন, সাহাবায়ে কেরাম (আল্লাহ তায়া'লা তাদের সকলের উপর সম্মুখ হউন) অথবা তাঁদের সঠিক অনুসারী তাবেরীনদের মধ্যেও কেউই এমন কাজ করেননি। এমনকি, আমাদের পূর্ববর্তী অধিকতর উত্তম যুগে কোন আলেমও এ কাজ করেননি। অথচ তাঁরা সূরাহ সম্পর্কে আমাদের চেয়ে অধিকতর জ্ঞান রাখতেন এবং আল্লাহর রাসূল ও তাঁর শরীয়ত পালনকে সর্বাধিক ভালবাসতেন। যদি এ কাজটি এমনই সওয়াবের হতো তাহলে তাঁরা আমাদের আগেই তা করতেন।

দীনে ইসলামী একটি পরিপূর্ণ ধর্ম। আল্লাহ তায়া'লা স্বীয় রাসূলের মাধ্যমে যে শরীয়ত প্রবর্তন করেছেন তা স্বয়ং সম্পূর্ণ বিধায় আমাদেরকে তা অনুসরণের নির্দেশ দেওয়া হয়েছে এবং বিদআ'ত বা নতুন কোন প্রকার সংযোজন থেকে নিষেধ করা হয়েছে। তাহলে সূরাত ওয়ালা জামা'ত এই শিক্ষা সাহাবায়ে কেরাম ও তাঁদের সঠিক অনুসারী তাবেরীনদের কাছ থেকে সর্বান্তঃকরণে গ্রহণ করেছেন।

নবী করীম সাল্লাল্লাহু আলাইহি ওয়াসাল্লাম থেকে সহীহ হাদীসে বর্ণিত আছে, তিনি বলেছেন— 'আমাদের এই ধর্মে যে কেউ নতুন কিছু উদ্ভাবন

সূরাতে রাসূল অকিঞ্চিৎ কৰা এবং বিদআ'ত থেকে সতর্ক থাকা অপরিহার্য

করবে তা প্রত্যাখ্যাত হবে।' এই হাদীসটি বোখারী ও মুসলিমে বর্ণিত হয়েছে। সহীহ মুসলিমে বর্ণিত অন্য এক হাদীসে নবী করীম সাল্লাল্লাহু আলাইহি ওয়াসাল্লাম বলেছেন- 'কেউ যদি এমন কাজ করে যা আমাদের এই ধর্মে নেই তাহলে তা প্রত্যাখ্যাত হবে।' তিনি অন্য এক হাদীসে এরশাদ করেছেন- 'তোমরা আমার সূরাত এবং আমার পরবর্তী খোলাফায়ে রাশেদীনের সূরাত পালন করবে। আর, তা দৃঢ়তার সাথে ধারণ করবে। সাবধান! কখনও ধর্মে নব প্রবর্তিত কোন বিষয় গ্রহণ করবে না। কেননা প্রত্যেক নব প্রবর্তিত বিষয়ই বিদআ'ত এবং প্রত্যেক বিদআ'তই পথভ্রষ্টতা।' রাসূল সাল্লাল্লাহু আলাইহি ওয়াসাল্লাম জুম'আর দিন খুৎবায় বলতেন- 'নিশ্চয়ই সর্বোত্তম কথা হলো আল্লাহর কিতাব আর সর্বোত্তম হেদায়াত হলো মুহাম্মদ সাল্লাল্লাহু আলাইহি ওয়াসাল্লামের হেদায়াত। সর্বনিকৃষ্ট বিষয় হলো মনগড়া নব প্রবর্তিত বিষয় বিদআ'ত এবং এরূপ প্রতিটি বিদআ'ত-ই পথভ্রষ্টতা।'

এই সমস্ত হাদীসে বিদআ'ত প্রবর্তনের বিরুদ্ধে কঠোর সতর্ক বাণী উচ্চারণ করা হয়েছে এবং উন্নতকে এর ভয়াবহতা সম্পর্কে সাবধান করা হয়েছে। আর, এতে লিঙ্গ হওয়া থেকে ভীতি প্রদর্শনকরা হয়েছে। এ বিষয়ে আরো অনেক সহীহ হাদীস বর্ণিত আছে।

আল্লাহ তায়া'লা বলেন-

﴿وَمَا آتَاكُمُ الرَّسُولُ فَخُذُوهُ وَمَا نَهَاكُمْ عَنْهُ فَانْتَهُوا﴾

রাসূল সাল্লাল্লাহু আলাইহি ওয়াসাল্লাম যা নিয়ে এসেছেন তা গ্রহণ কর এবং যা কিছু নিষেধ করেছেন তা থেকে বিরত থাক।' (সূরা হাশর-৭)

আল্লাহ তায়া'লা আরও বলেন-

﴿فَلْيَحْذَرِ الَّذِينَ يُخَالِفُونَ عَنْ أَمْرِهِ أَنْ تُصِيبَهُمْ فِتْنَةٌ أَوْ يُصِيبَهُمْ عَذَابٌ أَلِيمٌ﴾

‘যারা তাঁর (রাসূল সাদ্ধাওয়াহ আলাইহি ওয়াসাল্লাম) হুকুমের বিরোধীতা করে তাদের ভয় করা উচিত যে, তাদের উপর কোন ফেৎনা বা কোন মর্মস্তুদ শাস্তি আসতে পারে।’ (সূরানূর-৬৩)

আব্বাহ তায়্যা’লা আরও বলেন—

﴿لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُوا اللَّهَ وَالْيَوْمَ الْآخِرَ وَذَكَرَ اللَّهَ كَثِيرًا﴾

প্রকৃতপক্ষে, তোমাদের মধ্যে যারা পরকালের আশা রাখে এবং আব্বাহকে খুব বেশী করে শ্রবণ করে তাদের জন্য রাসূলুওয়াহ সাদ্ধাওয়াহ আলাইহি ওয়াসাল্লামের জীবনে এক সর্বোত্তম নমুনা বর্তমান রয়েছে।’

(সূরাআহযাব-২১)

আব্বাহ তায়্যা’লা আরও বলেন—

﴿وَالسَّابِقُونَ الْأَوَّلُونَ مِنَ الْمُهَاجِرِينَ وَالْأَنْصَارِ وَالَّذِينَ اتَّبَعُوهُمْ بِإِحْسَنٍ رَّضِيَ اللَّهُ عَنْهُمْ وَرَضُوا عَنْهُ وَأَعَدَّ لَهُمْ جَنَّاتٍ تَجْرِي تَحْتِهَا الْأَنْهَارُ خَالِدِينَ فِيهَا أَبَدًا ذَلِكَ الْفَوْزُ الْعَظِيمُ﴾

‘সেসব মুহাজির ও আনসার, যারা সর্বপ্রথম ইমানের দাওয়াত কবুল করেছিল এবং যারা নিতান্ত সততার সাথে তাদের অনুসরণ করেছিল তাদের উপর আব্বাহ সন্তুষ্ট রয়েছেন এবং তারাও আব্বাহ তায়্যালার উপর সন্তুষ্ট। আব্বাহ তায়্যা’লা তাদের জন্য এমন জান্নাত সমূহ তৈরী করে রেখেছেন যার নিম্নদেশে ঝর্ণাধারা সর্বদা প্রবাহমান। এই জান্নাতে তারা চিরস্থায়ী হয়ে থাকবে। বস্তুতঃ ইহা এক বিরাট সাফল্য।’ (সূরা তাওবা-১০০)

আব্বাহ তায়্যা’লা আরও বলেন—

﴿الْيَوْمَ اكْمَلْتُ لَكُمْ دِينَكُمْ وَأَتِمَمْتُ عَلَيْكُمْ نِعْمَتِي وَرَضِيتُ لَكُمُ الْإِسْلَامَ دِينًا﴾

সুন্নাতে রাসূল আকিফে ধরা এবং বিদআ'ত থেকে সতর্ক থাকা অপরিহার্য

‘আজ আমি তোমাদের দীনকে তোমাদের জন্য সম্পূর্ণ করে দিলাম, আর, তোমাদের প্রতি আমার নেয়ামত পূর্ণ করে ইসলামকে তোমাদের দীন হিসাবে পছন্দ করে নিলাম।’ (সূরামায়েদা-৩)

এই আয়াত দ্বারা সুস্পষ্টভাবে প্রমাণিত হয় যে, আল্লাহ এই উম্মতের জন্য প্রবর্তিত দীনকে পরিপূর্ণ করেছেন, তাঁর নেয়ামতকে সম্পূর্ণ করেছেন। নবী সাল্লাল্লাহু আলাইহি ওয়াসাল্লাম তাঁর উপর অর্পিত বালাগে যুবীন বা স্পষ্ট বার্তাকে পৌঁছাবার এবং কথায় ও কাজে শরীয়তকে বাস্তবায়িত করার পরই পরলোক গমন করেন। তিনি এই বিষয়টি পরিষ্কার করে বলে গেছেন যে, তাঁর পরে লোকেরা কথায় বা কাজে যেসব নব প্রথা উদ্ভাবন করে শরীয়তের সাথে সম্পৃক্ত করবে সেসব বিদআ'ত বিধায় প্রত্যাখ্যাত হবে। যদিও এগুলোর প্রবক্তার উদ্দেশ্য সৎ থাকবে। সাহাবায়ে কেরাম ও তাবেরীগণ বিদআ'ত থেকে জনগণকে সতর্ক ও ভয় প্রদর্শন করেছেন। কেননা এটা ধর্মে অতিরিক্ত সংযোজন যার অনুমতি আল্লাহ তায়া'লা কাউকে দেননি এবং ইহা আল্লাহর শত্রু ইহুদী ও খ্রীষ্টান কর্তৃক তাদের ধর্মে নব নব প্রথা সংযোজনের সঙ্গে সামঞ্জস্য স্বরূপ। এরূপ করার অর্থ এই দাঁড়ায় যে, ইসলামকে অসম্পূর্ণ ও ত্রুটিপূর্ণ বলে মিথ্যা অপবাদ দেওয়ার সুযোগ প্রদান করা। এটা যে কত বড় ফাসাদ ও জঘন্য কর্ম এবং আল্লাহর বাণীর বিরোধী তা সর্বজন বিদিত।

আল্লাহ বলেন-

﴿ الْيَوْمَ اكْمَلْتُ لَكُمْ دِينَكُمْ ۝ ﴾

‘আজ আমি তোমাদের জন্য তোমাদের দীনকে পরিপূর্ণ করে দিলাম।’

(সূরামায়েদা-৩)

সেই সাথে ইহা রাসূল সাল্লাল্লাহু আলাইহি ওয়াসাল্লামের পরিষ্কার হাদীস সমূহ যেগুলোতে তিনি বিদআ'ত থেকে সতর্ক ও দূরে থাকতে বলেছেন সেগুলোও সম্পূর্ণ পরিপন্থী।

মিলাদ মাহফিল বা নবীর জন্মোৎসব পালন বা এ জাতীয় অন্যান্য উৎসবদির প্রবর্তনের মাধ্যমে এ কথাই বোঝা যায় যে, আল্লাহ তায়া'লা এই উম্মতের জন্য ধর্মকে পূর্ণতা দান করেননি এবং যা যা করণীয় তার বার্তা রাসূল সাল্লাল্লাহু আলাইহি ওয়াসাল্লাম উম্মতের নিকট পৌঁছাননি। তাই, এইসব পরবর্তীকালের লোকেরা এসে এমন কিছু প্রবর্তন করেছেন যার অনুমতি আল্লাহ তায়া'লা তাদের দেননি, অথচ তারা ভাবছেন এতে আল্লাহর নৈকট্য অর্জিত হবে। নিঃসন্দেহে এতে মারাত্মক ভয়ের কারণ রয়েছে এবং তা আল্লাহ তায়া'লা ও তাঁর রাসূল সাল্লাল্লাহু আলাইহি ওয়াসাল্লামের উপর আপত্তি উত্থাপনের শামিল। অথচ আল্লাহ তাঁর বান্দাহদের জন্য ধর্মকে সর্বাঙ্গীনভাবে পূর্ণ করেছেন ও তাঁর নেয়ামত সম্পূর্ণ করেছেন এবং রাসূল সাল্লাল্লাহু আলাইহি ওয়াসাল্লাম ইসলামের স্পষ্ট বার্তা যথাযথভাবে পৌঁছিয়েছেন। তিনি এমন কোন পথ যা জান্নাতের পানে নিয়ে যায় এবং জাহান্নাম থেকে দূরে রাখে উম্মতকে তা বাতলাতে কসূর করেননি। যেমন- আব্দুল্লাহ বিন আমর বিন আ'স থেকে সহীহ হাদীস বর্ণিত হয়েছে, রাসূলুল্লাহ সাল্লাল্লাহু আলাইহি ওয়াসাল্লাম বলেছেন: 'আল্লাহ যত নবী পাঠিয়েছেন উম্মতের প্রতি তাদের দায়িত্ব এই ছিল যে, উম্মতের জন্য যা কিছু ভাল জানেন তাই বলবেন আর যা কিছু মন্দ বলে জানেন তা থেকে তাদেরকে সতর্ক করবেন।' সহীহ মুসলিমে এই হাদীস বর্ণিত হয়েছে।

এ কথা সকলের জানা আছে যে, আমাদের নবী সকল নবীদের মধ্যে শ্রেষ্ঠ ও সর্বশেষ। তিনি সবার চেয়ে অধিকতর পরিপূর্ণভাবে দ্বীনের পয়গাম ও উপদেশ বার্তা পৌঁছিয়েছেন। যদি মিলাদ মাহফিল আল্লাহ কর্তৃক মনোনীত দ্বীনের অংশ হতো তাহলে তিনি নিশ্চয়ই উম্মতের কাছে বর্ণনা করতেন বা তাঁর সাহাবীগণ তা করতেন। যেহেতু এমন কিছু পাওয়া যায় না, অতএব, প্রমাণিত হয় যে, ইসলামের সাথে এই মিলাদ মাহফিলের কোনই সম্পর্ক নেই বরং এটা বিদআ'ত যা থেকে রাসূল সাল্লাল্লাহু

আলাইহি ওয়াসাল্লাম তাঁর উদ্ভূতকে সতর্ক থাকতে বলেছেন। যেমন পূর্বোক্তোক্ত হাদীস সমূহে বর্ণিত হয়েছে।

এক দল উলামায়ে কেরাম উপরোক্ত ও অন্যান্য দলীলের উপর ভিত্তি করে মিলাদ মাহফিল পালনের বৈধতা অস্বীকার করতঃ এ সম্পর্কে সতর্ক করে দিয়েছেন। এটা জানা কথা যে, বিরোধপূর্ণ বিষয় এবং হাদীস বা হাদীসের ব্যাপারে শরীয়তের নীতি হলো কোরআন ও হাদীসে রাসূল-এর মীমাংসা অনুসন্ধান করা। যেমন-

আব্বাহ তায়্যা'লা বলেছেন:

﴿ يَا أَيُّهَا الَّذِينَ ءَامَنُوا أَطِيعُوا اللَّهَ وَأَطِيعُوا الرَّسُولَ وَأُولِيَ الْأَمْرِ مِنْكُمْ فَإِن تَنَزَعْتُمْ فِي شَيْءٍ فَرُدُّوهُ إِلَى اللَّهِ وَالرَّسُولِ إِن كُنتُمْ تُؤْمِنُونَ بِاللَّهِ وَالْيَوْمِ
الْآخِرِ ذَلِكَ خَيْرٌ وَأَحْسَنُ تَأْوِيلًا ﴾

‘হে ইমানদারগণ! আনুগত্য কর আব্বাহর, আনুগত্য কর রাসূলের এবং তোমাদের মধ্যে কর্তা ব্যক্তিদের। যদি কোন বিষয়ে তোমাদের মধ্যে মত বিরোধ দেখা দেয় তাহলে তা আব্বাহ ও তাঁর রাসূলের দিকে ফিরিয়ে দাও যদি তোমরা আব্বাহ তায়্যা'লা ও কিয়ামতের উপর বিশ্বাস করে থাক। এটাই উৎকৃষ্ট এবং পরিণতির দিক দিয়ে সর্বোত্তম পন্থা। (সূরানিসা-৫৯)

আব্বাহ তায়্যা'লা আরও বলেন-

﴿ وَمَا أَخْلَفْتُمْ فِيهِ مِنْ شَيْءٍ فَحُكْمُهُ إِلَى اللَّهِ ﴾

‘তোমরা যে বিষয়েই মতভেদ করনা কেন তার মীমাংসা আব্বাহরই নিকট রয়েছে?’ (সূরা শূরা-১০)

যদি এই মিলাদ মাহফিলের বিষয়টি সম্পর্কে কোরআন শরীফের দিকে ফিরে যাই তাহলে দেখতে পাই আব্বাহ তাঁর রাসূল বা আদেশ বা নিষেধ করেছেন আমাদের তা-ই অনুসরণ করার নির্দেশ দেন এবং জানান

সূরাতে রাসূল অকিঞ্চিৎ খরা এবং বিদআ'ত থেকে সতর্ক থাকা অপরিহার্য

যে, তিনি এই উম্মতের জন্য তাদের ধর্মকে পূর্ণতা দান করেছেন। রাসূল সাদ্ভাহ আলাইহি ওয়াসাল্লাম যা নিয়ে এসেছেন তার মধ্যে মিলাদ অনুষ্ঠানের কোন ইঙ্গিত পর্যন্ত নেই। সুতরাং এ কাজ সে দ্বীনের অন্তর্ভুক্ত নয় যা আদ্বাহ তায়্যা'লা আমাদের জন্য পূর্ণ করে দিয়েছেন এবং এ ব্যাপারে আমাদেরকে তাঁর রাসূলের পদাঙ্ক অনুসরণ করার নির্দেশ রয়েছে।

এভাবে যদি আমরা এ ব্যাপারে সূরাতে রাসূল সাদ্ভাহ আলাইহি ওয়াসাল্লামের দিকে লক্ষ্য করি তাহলে দেখতে পাই যে রাসূল এ কাজ করেননি, এর আদেশও দেননি। এমনকি তাঁর সাহাবীগণও (তাঁদের উপর আদ্বাহর সন্তুষ্টি বর্ণিত হউক) তা করেননি। তাই আমরা বুঝতে পারি যে, এটা ধর্মীয় কাজ নয় বরং বিদআ'ত এবং ইহদী ও খ্রীষ্টানদের উৎসব সমূহের অঙ্ক অনুকরণ। যে ব্যক্তির সামান্যতম বিচক্ষণতা আছে এবং হক গ্রহণে ও তা অনুসন্ধানে সামান্যতম বিবেকও আগ্রহ রাখে তার বুঝতে কোন অসুবিধা হবে না যে, ধর্মের সাথে মিলাদ মাহফিল বা যাবতীয় জন্য বার্ষিকী পালনের কোন সম্পর্ক নেই। বরং যে বিদআ'ত সমূহ থেকে আদ্বাহ ও তাঁর রাসূল নিষেধ ও সতর্ক করেছেন এটি সেগুলোরই অন্তর্ভুক্ত।

বিভিন্ন স্থানে অধিক সংখ্যক লোক এই বিদআ'তী কাজে লিপ্ত দেখে কোন বুদ্ধিমান লোকের পক্ষে প্রবঞ্চিত হওয়া সংগত নয়। কেননা ন্যায় বা হক লোকের সংখ্যাধিক্যের ভিত্তিতে জানা যায় না বরং শরীয়তের দলীল সমূহের মাধ্যমে তা অনুধাবন করা হয়। যেমন আদ্বাহ তায়্যা'লা ইহদী ও খ্রীষ্টানদের সম্পর্কে বলেছেন—

﴿ وَقَالُوا لَن يَدْخُلَ الْجَنَّةَ إِلَّا مَن كَانَ هُودًا أَوْ نَصَارَىٰ تِلْكَ أَمَانِيُّهُمْ قُلْ هَاتُوا بُرْهَانَكُمْ إِن كُنْتُمْ صَادِقِينَ ۝ ﴾

'তারা বলে ইহদী ও খ্রীষ্টান ছাড়া অন্য কেউ জান্নাতে কখনও প্রবেশ করবে না। এটা তাদের মিথ্যা আশা। আপনি বলুন, যদি তোমরা সত্যবাদী হয়ে থাক তাহলে যুক্তি প্রমাণ নিয়ে এসো।' (সূরা বাকারা-১১১)

আব্বাহ তায়্যা'লা আরও বলেন-

﴿وَلَا تَطْعَمُ أَكْثَرُ مَنْ فِي الْأَرْضِ يُضِلُّوكَ عَنْ سَبِيلِ اللَّهِ﴾

‘যদি আপনি এই পৃথিবীর সংখ্যাগরিষ্ঠ লোকের অনুসরণ করেন তাহলে তারা আপনাকে আব্বাহ তায়্যা'লার পথ থেকে বিভ্রান্ত করে দেবে।’
(সূরা আন'আম-১৫৬)

এই মিলাদ মাহফিল সমূহ বিদআ'ত হওয়ার সাথে সাথে অনেক এলাকায় প্রায়শঃ তা অন্যান্য পাপাচার থেকেও মুক্ত হয় না। যেমন নারী-পুরুষের সংমিশ্রণ, গান-বাজনা ও মাদক দ্রব্যের ব্যবহার ইত্যাদি। সর্বোপরি এইসব মাহফিলে শিরকে আকবর সংঘটিত হয়ে থাকে। আর তা হলো- রাসূলুল্লাহ সাল্লাল্লাহু আলাইহি ওয়াসাল্লাম ও অন্যান্য আওলিয়ায়ে কেরামের ব্যাপারে বাড়াবাড়ি করা, তাদের কাছে দোয়া করা, সাহায্য ও বিপদ মুক্তির প্রার্থনা করা এবং এই বিশ্বাস পোষণ করা যে, তারা গায়েব জ্ঞানেন, ইত্যাদি কাজ যা করলে লোক কাফের হয়ে যায়। কারণ, রাসূল সাল্লাল্লাহু আলাইহি ওয়াসাল্লাম থেকে বর্ণিত সহীহ হাদীসে রয়েছে, তিনি বলেছেন- ‘সাবধান! ধর্মে অতিরঞ্জন করো না। তোমাদের আগে যারা ছিল তারা ধর্মে অতিরঞ্জনের ফলেই ধ্বংসপ্রাপ্ত হয়েছে।’

রাসূল সাল্লাল্লাহু আলাইহি ওয়াসাল্লাম আরও বলেন- তোমরা আমার এমন অতি প্রশংসা করো না যেমন খ্রীষ্টানগণ ইবনে মারইয়ামের (ইসা আলাইহিস সালাম) অতি প্রশংসায় লিপ্ত হয়েছিল। আমি একজন বান্দা, তাই আমাকে আব্বাহর বান্দা ও তাঁর রাসূল বণে উল্লেখ করে।’ ইমাম বুখারী তাঁর সহীহ গ্রন্থে এই হাদীসটি উল্লেখ করেছেন।

অতীব আশ্চর্য ও বিশ্বয়ের ব্যাপার এই যে, অনেক লোক এ ধরনের বিদআ'তী অনুষ্ঠানে উপস্থিত হওয়ার জন্য খুবই তৎপর ও সচেষ্ট এবং এর পক্ষে যুক্তি প্রমাণ দাঁড় করাতে স্বতঃ প্রস্তুত। অথচ তারা জামাতের নামাজে ও জুম'য়ার নামাজে অনুপস্থিত থাকতে কুষ্ঠাবোধ করে না, যদিও তা

সূরাতে রাসূল আকিড়ে ধরা এবং বিদআত থেকে সতর্ক থাকা অপরিহার্য

আল্লাহ ওয়াজিব করেছেন। এমনকি এ বিষয়ে তারা যন্তক উত্তোলনও করে না এবং এটাও উপলব্ধি করে না যে, তারা একটি মারাত্মক অন্যায কাজ করছে। নিঃসন্দেহে ইমানের দুর্বলতা, ক্ষীণ বিচক্ষণতা ও নানা রকম পাপাচার হৃদয়ে আসন করে নেওয়ার ফলেই এরকম হয়ে থাকে। আল্লাহ তায়া'লার কাছে আমাদের এবং সকল মুসলিমের জন্য সংযম ও নিরাপত্তা কামনা করি।

এর চেয়েও বিষয়কর ব্যাপার এই যে, অনেকের ধারণা, রাসূলুল্লাহ সাল্লাল্লাহু আলাইহি ওয়াসাল্লাম মিলাদ মাহফিলে উপস্থিত হন। তাই তারা তাঁকে অভিনন্দন জানাতে দাঁড়িয়ে যান। এটা যন্ত বড় অসত্য ও হীন অজ্ঞতা বৈ কিছু নয়। রাসূল সাল্লাল্লাহু আলাইহি ওয়াসাল্লাম কিয়ামতেও পূর্বে তাঁর কবর থেকে বের হবেন না, বা কারো সাথে যোগাযোগ করবেন না এবং কোন সমাবেশেও উপস্থিত হবেন না। বরং তিনি কিয়ামত পর্যন্ত স্বীয় কবরেই অবস্থান করবেন এবং তাঁর পাক রূহ প্রভুর নিকট উদ্ধতন ইল্লিনের সম্মানজনক স্থানে সংরক্ষিত থাকবে।

আল্লাহ তায়া'লা বলেছেন—

﴿ثُمَّ إِنَّكُمْ بَعْدَ ذَلِكَ لَمَيِّتُونَ ثُمَّ إِنَّكُمْ يَوْمَ الْقِيَمَةِ تُبْعَثُونَ﴾

‘এরপর তোমাদের অবশ্যই মরতে হবে, অতঃপর কিয়ামতের দিন তোমাদের অবশ্যই পুনরুজ্জীবিত করা হবে।’ (সূরা যুমেুন-১৬)

রাসূল সাল্লাল্লাহু আলাইহি ওয়াসাল্লাম বলেছেন— ‘কিয়ামতের দিন আমার কবরই সর্ব প্রথম খণ্ডিত হবে। আমিই প্রথম সুপারিশকারী এবং আমারই সুপারিশ সবার আগে গৃহীত হবে।’

এই আয়াত ও হাদীস শরীফ এবং এই অর্থে আরও যেসব আয়াত ও হাদীস এসেছে তার দ্বারা বুঝা যায় যে, নবী সাল্লাল্লাহু আলাইহি ওয়াসাল্লাম সহ অন্যান্য সব মৃত লোকগণ শুধুমাত্র কিয়ামতের দিনই তাদের কবর থেকে বের হবেন। সমস্ত মুসলিম আলেমগণের মধ্যে এ ব্যাপারে ঐক্যমত ইজমা)

প্রতিষ্ঠিত রয়েছে। এতে কারো মত বিরোধ নেই। সুতরাং সকল মুসলিমের উচিত এসব বিষয়ে অবহিত হওয়া এবং অস্ত্র লোকেরা যেসব বিদআ'ত ও কুসংস্কার আত্মাহ পাকের নির্দেশ ব্যতিরেকে প্রবর্তন করেছে সেসব বিষয়ে সতর্ক থাকা।

রাসূল সাল্লাল্লাহু আলাইহি ওয়াসাল্লাম এর উপর দরুদ ও সালাম পড়া নিঃসন্দেহে একটি ভাল আমল এবং আত্মাহর নৈকট্য লাভের এক উত্তম পন্থা। যেমন আত্মাহ তারানা বলেছেন—

﴿إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ

وَسَلِّمُوا تَسْلِيمًا﴾

‘নিশ্চয়ই আত্মাহ ও কেরেশতাগণ নবীর প্রতি দরুদ পাঠান। হে মুমিনগণ তোমরাও তাঁর প্রতি দরুদ ও সালাম পাঠাও।’

(সূরা আহযাব-৫৬)

নবী করীম সাল্লাল্লাহু আলাইহি ওয়াসাল্লাম বলেন— ‘যে ব্যক্তি আমার প্রতি একবার দরুদ পাঠায় আত্মাহ তারানা এর প্রতিদানে তার উপর দশবার দরুদ পাঠান।’

সব সময়ই দরুদ পড়ার বৈধতা রয়েছে। তবে নামাজের শেষে পড়ার জন্য বিশেষভাবে তাকিদ করা হয়েছে বরং অনেক আলোমের মতে নামাজের মধ্যে শেষ তাশাহুদের সময় দরুদ পড়া ওয়াজিব। অনেক ক্ষেত্রে এই দরুদ পড়া সূরাতে মুরাকাদা। যেমন— আযানের পরে, জুম'আর দিনে ও রাতে এবং রাসূল সাল্লাল্লাহু আলাইহি ওয়াসাল্লামের উল্লেখ হলে। এ ব্যাপারে অনেক হাদীস রয়েছে। এই বিষয়ে আমি যা সতর্ক করতে চেয়েছিলাম তা করেছি। আশা করি, আত্মাহ তারানা যার প্রতি উপলব্ধির দ্বারা খুলেছেন ও যার দৃষ্টি শক্তিতে আলো দান করেছেন তার জন্য এটুকুই যথেষ্ট।

সূরাতে রাসূল আঁকড়ে ধরা এবং বিদআ'ত থেকে সতর্ক থাকা অপরিহার্য

আমার জেনে খুবই দুঃখ হয় যে, এরূপ বিদআ'তী অনুষ্ঠান এমন সব মুসলমান দ্বারাও সংঘটিত হচ্ছে যারা তাদের আকায়েদ ও রাসূলুল্লাহর মহব্বতের ব্যাপারে খুঁই দৃঢ়তা রাখেন। যে এইসবের প্রবক্তা তাকে বলছি, যদি তুমি সূরী ও রাসূলুল্লাহ সাল্লাল্লাহু আলাইহি ওয়াসাল্লামের অনুসারী হওয়ার দাবী রাখ তাহলে বল, তিনি স্বয়ং বা তাঁর কোন সাহাবী বা তাদের সঠিক অনুসারী কোন তাবেয়ী কি এ কাজটি করেছেন, না এটা ইহুদী ও খ্রীষ্টান বা তাদের মত অন্যান্য আত্মাহর শত্রুদের অন্ধ অনুকরণ? এ ধরনের মিলাদ মাহফিল অনুষ্ঠানের মাধ্যমে রাসূলুল্লাহ সাল্লাল্লাহু আলাইহি ওয়াসাল্লামের প্রতি ভালবাসা প্রতিফলিত হয় না। যা করলে ভালবাসা প্রতিফলিত হয় তা হলো তাঁর নির্দেশের অনুসরণ করা, যা কিছু তিনি বলেছেন তা বিশ্বাস করা, যা কিছু নিষেধ করেছেন তা বর্জন করা। আত্মাহ যেভাবে নির্দেশ করেছেন কেবল সেভাবেই তাঁর উপাসনা করা। এমনভাবে, রাসূলের উল্লেখ করা হলে, নামাজের সময় ও সদা সর্বদা যে কোন উপলক্ষে তাঁর উপর দরুদ পাঠ করার মাধ্যমে তাঁর প্রতি ভালবাসা প্রমাণিত হয়।

এই সমস্ত বেদ'আতী বিষয় অস্বীকার করে ওহ্‌হাবী আন্দোলন (লেখকের ভাষায়) নতুন কিছু করেনি। বস্তুতঃ ওহ্‌হাবীদের আকীদা হলো নিম্নরূপঃ

কোরআন ও সূরাতে রাসূল সাল্লাল্লাহু আলাইহি ওয়াসাল্লাম আঁকড়ে ধরা এবং রাসূল, তাঁর খুলাফায়ে রাশেদীন ও তাঁদের সঠিক অনুসারী তাবেয়ীনের প্রদর্শিত পথে চলা। আত্মাহর মা'রেফাতের ক্ষেত্রে সলফে সালেহীন, আয়েম্মায়ে দ্বীন ও ধর্মীয় শাস্ত্রবিদগণের পথ অনুসরণ করা এবং আত্মাহ তায়ালার সিকাতকে (গুণাবলী) সেভাবে গ্রহণ করা যেভাবে কোরআন ও সহীহ হাদীসে বর্ণিত হয়েছে এবং যা রাসূল সাল্লাল্লাহু আলাইহি ওয়াসাল্লামের সাহাবীগণ সমর্থন ও গ্রহণ করেছেন। ওহ্‌হাবীগণ আত্মাহ তায়ালার সিকাতকে অবিকৃত ও দৃষ্টান্তহীন এবং কোন ধরণ ব্যতিরেকে বিনা বিধায় সেভাবে প্রমাণিত ও বিশ্বাস করে চলেন যেভাবে

সূরাতে রাসূল আঁকড়ে ধরা এবং বিদ্বান'ত থেকে সতর্ক থাকা অপরিহার্য

উহা তাদের কাছে পৌঁছেছে। তারা তাবেরীন ও তাদের অনুসারী (যারা ছিলেন ইলম, ইমান ও তাকওয়ার অধিকারী) সলফে সালেহীন ও আইম্মায়ে দ্বীনের পথই আঁকড়ে ধরে আছেন। তারা এ-ও বিশ্বাস করেন যে, ইমানের মূল ভিত্তি হলো 'লা ইলাহা ইল্লাল্লাহ মুহাম্মাদুর রাসূলুল্লাহ। (আল্লাহ ব্যতীত কোন মা'বুদ নেই, মুহাম্মদ আল্লাহর রাসূল বা প্রেরিত পুরুষ)। এটাই এক আল্লাহর উপর বিশ্বাসের মূল ভিত্তি ও ইমানের প্রধান কথা। তারা এ-ও বিশ্বাস করেন যে, এই ইমानी ভিত্তির প্রতিষ্ঠায় ইলম, আমল এবং ইজমায়ে মুসলিমের (সমগ্র মুসলমানদের ঐক্যমত) স্বীকৃতি অপরিহার্য।

এই মৌল বাক্যের অর্থ হলোঃ একক ও অদ্বিতীয় আল্লাহর এবাদত করা অবশ্য কর্তব্য, আর আল্লাহ ছাড়া অন্য যা কিছু বা যে কেউ হোক কারোর উপাসনা করা যাবে না। এই সেই হিকমত যার জন্য দ্বীন ও ইনসানকে সৃষ্টি করা হয়েছে, রাসূলগণকে প্রেরণ করা হয়েছে এবং আসমানী গ্রন্থ সমূহ অবতীর্ণ করা হয়েছে। এতে রয়েছে একমাত্র আল্লাহরই প্রতি বিনয় ও ভালবাসা, আনুগত্য ও সম্মান প্রদর্শন। এরই নাম ইসলাম ধর্ম যা ব্যতীত অন্য কোন দ্বীন না পূর্ববর্তীদের কাছ থেকে না পরবর্তীদের কাছ থেকে আল্লাহর কাছে গ্রহণযোগ্য। সমস্ত আখিয়ায়ে কেরাম দ্বীনে ইসলামের অনুগামী ছিলেন এবং ইসলামের অন্তর্নিহিত আত্মসমর্পনের গুণে গুণাবিত ছিলেন। অতএব, যে ব্যক্তি আল্লাহর কাছে এবং সেই সাথে অন্যের কাছেও আত্মসমর্পন করে বা প্রার্থনা করে সে মুশরিক। আর, যে ব্যক্তি আল্লাহর কাছে আত্মসমর্পণ করে না, সে আল্লাহর এবাদত করতে অহঙ্কারী দাউক বলে বিবেচিত।

আল্লাহ তায়ালা বলেন-

﴿وَلَقَدْ بَعَثْنَا فِي كُلِّ أُمَّةٍ رَسُولًا أَنِ اعْبُدُوا اللَّهَ وَاجْتَنِبُوا الطَّاغُوتَ﴾

সূরাতে রাসূল অকিড়ে ধরা এবং বিদআ'ত থেকে সতর্ক থাকে অনগ্রহণ
'আমি প্রত্যেক জাতির প্রতি রাসূল প্রেরণ করেছি এই নির্দেশ দিয়ে যে
তোমরা আত্মাহর এবাদত কর এবং শয়তান ও অনুরূপ ভ্রান্ত শক্তি থেকে
দূরে থাক।' (সূরানাহল-২৬)

ওহূহাবী পন্থীরা 'মুহাম্মদ আত্মাহর রাসূল' এই সাক্ষীর বাস্তবায়নে
বিদআ'ত, কুসংস্কার এবং মুহাম্মাদুর রাসূলুত্বাহর প্রবর্তিত শরীয়ত বিরোধী
আচার অনুষ্ঠান বর্জনে দৃঢ় বিশ্বাসী।

শায়খ মুহাম্মদ বিন আব্দুল ওহূহাবের (তার উপর আত্মাহ তায়ালার
রহমত বর্ষিত হউক) এই ছিল আক্বীদা। এই আক্বীদার ভিত্তিতেই তিনি
আত্মাহর বন্দেগী করেন এবং এর প্রতিই লোকদের আহ্বান জানান। যে
ব্যক্তি এছাড়া অন্য কিছু তার প্রতি সম্পৃক্ত করে, সে মিথ্যা এবং বানোয়াট
কথা বলে স্পষ্ট পাপ করছে। সে এমন কথা বলছে, যা তার জানা নেই।
আত্মাহ তাকে এবং তার মত এইরূপ অপবাদকারীদের যথাযথ শাস্তি
দিবেন।

শায়খ মুহাম্মদ বিন আব্দুল ওহূহাব যেসব মূল্যবান বিবৃতি দিয়েছেন
এবং অতি উচ্চমানের অনন্য গবেষণাপত্র ও পুস্তকাদি রচনা করেছেন তাতে
তিনি কোরআন, সূরাহ ও ইজমার আলোকে তাওহীদ, এখলাস ও
শাহাদাতের আলোচনা করে আত্মাহ ছাড়া অন্য সকলের এবাদতের যোগ্যতা
খন্ডন করেছেন এবং ছোট বড় সকল প্রকার শিরক থেকে পাক হয়ে শুধু
মাত্র আত্মাহকেই পূর্ণভাবে এবাদতের যোগ্য বলে স্বীকার করার বিষয়টি
প্রমাণ করেছেন। যে ব্যক্তি তার পুস্তকাদি যথাযথ অধ্যয়ন করেছে এবং তার
সুশিক্ষিত ও যোগ্যতা সম্পন্ন সহচর ও শিষ্যদের মতাদর্শ সম্পর্কে অবহিত
হয়েছে সে সহজেই বুঝতে পারে যে, তিনি সলফে সালিহীন ও আইম্বায়ে
দীনের মতাদর্শেরই অনুসারী ছিলেন। তিনি তাঁদেরই মত একমাত্র আত্মাহর
এবাদতের কথা বলতেন এবং কুসংস্কার-বেদ'আতকে প্রত্যাখান করতেন।

সূর্যতে রাসূল অবিস্তৃত হুয়া এবং বিনবাত থেকে সতর্ক থাকা অনগ্রহাৎ

সৌদী সরকার এই মতের উপরই প্রতিষ্ঠিত এবং সৌদী উলামায়ের কেরামত এই মতাদর্শের উপরই চলেছেন। সৌদী সরকার একমাত্র ইসলাম ধর্ম বিরোধী বিদ'আত ও কুসংস্কার এবং ধর্মীয় ব্যাপারে রাসূল সাল্লাল্লাহু আলাইহি ওয়াসাল্লাম কর্তৃক নিষিদ্ধ সীমিতকৃত তক্তি ও অতিরঞ্জনকে বিরুদ্ধেই কঠোরভাবে সোচ্চার। সৌদী আলেম সমাজ, জনগণ ও শাসকবর্গ প্রতিটি মুসলমানকে অকল ও গোষ্ঠী নির্বিশেষে গভীরভাবে শ্রদ্ধা করেন। তাদের মনে সবার জন্য রয়েছে গভীর ভালবাসা, ত্রাতৃদু ও মর্যাদা বোধ। কিন্তু যারা ত্রাতৃ ধর্মে বিশ্বাস রাখে এবং বেদ'আতী ও কুসংস্কার পূর্ণ উৎসবাদি পালন করে তাদের এই কার্যকলাপ তারা অস্বীকার ও নিষেধ করেন। কেননা, এসব কাজ ধর্মে নতুন সংযোজন হিসেবে পরিগণিত আর সব নতুন সংযোজনই বেদ'আত।

আল্লাহ তায়ালা ও তাঁর রাসূল এসবের অনুমতি দেননি। ইসলামী শরীয়ত একটি পরিপূর্ণ ও স্বয়ংসম্পূর্ণ ধর্ম। এতে নতুন কিছু সংযোজনের কোন প্রয়োজন বা অবকাশ নেই। তাই মুসলমানদের শুধুমাত্র অনুকরণের নির্দেশ দেওয়া হয়েছে, নব-নব ধর্ম প্রথা প্রবর্তনের জন্য বলা হয়নি। সাহাবা ও তাঁদের সঠিক অনুসারী তাবের'রীন থেকে সকল আহলে সূর্যতে ওয়াল জামায়াত এ বিষয়টি সম্যকভাবে সমর্থন ও গ্রহণ করেছেন।

এ কথা মনে করা ঠিক নয় যে, রাসূলুল্লাহ সাল্লাল্লাহু আলাইহি ওয়া সাল্লাম-এর অন্বোৎসব পালন বা এর সংশ্লিষ্ট শিরক ও অতিরঞ্জনকে নিষেধ করা কোনরূপ অনৈসলামিক কাজ এবং এতে রাসূল সাল্লাল্লাহু আলাইহি ওয়াসাল্লামের প্রতি অবজ্ঞা প্রদর্শন করা হয়। বরং এটা তো রাসূলেরই আনুগত্য ও তাঁরই নির্দেশ পালন। তিনি বলেছেন—

‘সাবধান! ধর্মে অতিরঞ্জন করো না। তোমাদের আগে যারা ছিল তারা ধর্মে অতিরঞ্জন করেই ধ্বংসপ্রাপ্ত হয়েছে।’ তিনি আরও বলেছেন— ‘তোমরা আমার এমন অতি প্রশংসা করো না যেমন খ্রীষ্টানগণ ইবনে

সূরাতের রাসূল আকিফে ধরা এবং বিদআত থেকে সতর্ক থাকা অপরিহার্য

মারইয়াম (ইসা আলাইহিস সালাম) এর আন্তে প্রশংসা করেছে। আমি তো মাত্র একজন বান্দা। তাই আমাকে 'আল্লাহর বান্দা ও তাঁর রাসূল বলে উল্লেখ করে।'।

উপরোক্তোক্ত প্রবন্ধ সম্পর্কে এটুকুই আমার বক্তব্য। আল্লাহ তায়া'লার কাছে প্রার্থনা করছি, তিনি যেন আমাদের ও অন্যান্য সকল মুসলমানকে দীন উপলব্ধি করার, এর উপর কায়ম থাকার, সূরাতের রাসূল দৃঢ়ভাবে ধারণ করার এবং বেদ'আত থেকে বেঁচে থাকার তাওফীক দান করেন। নিশ্চয়ই তিনি অশেষ দাতা ও পরম করুণাময়।

আল্লাহ তায়া'লা আমাদের প্রিয় নবী মুহাম্মদ (সঃ), তাঁর পরিবার-পরিজন ও সাহাবীদের উপর দরুদ ও সালাম বর্ষণ করো।

—: সমাপ্ত :—

ح مركز الدعوة والإرشاد بالدرعية، ١٤١٨هـ

فهرسة مكتبة الملك فهد الوطنية أثناء النشر

ابن باز، عبدالعزيز بن عبدالله

وجوب لزوم السنة والحذر من البدعة / ترجمة محمد رقيب

الدين أحمد حسين . - الرياض

١٤ × ٢٠ سم ؛ ٢٤ ص

ردمك : ٧-٢-٩١٨٣-٩٩٦٠

(النص باللغة البنغالية)

٢- البدع في الإسلام

١- الصراط المستقيم

أ - حسين أحمد رقيب الدين أحمد (مترجم) ب - العنوان

١٨ / ١٦٨٥

ديوي ١، ٢١٢

رقم الإيداع : ١٨ / ١٦٨٥

ردمك : ٧-٢-٩١٨٣-٩٩٦٠

وَجِبُوتُ الزُّرُومِ السُّنَّةِ وَالْحَذَرُ مِنَ الْبِدْعَةِ

لِسَمَاحَةِ الشَّيْخِ
عَبْدِ الْعَزِيزِ بْنِ عَبْدِ اللَّهِ بْنِ بَازٍ

نَقَلَ إِلَى اللَّفْظِ الْبَنْغَالِيَّةِ
مُحَمَّدُ رَقِيبُ الدِّينِ أَحْمَدُ مَسِينُ

لنبذل الإسلام معا

من إنجازات المكتب

قسم الدعوة

طباعة العديد من الكتب
والمطويات وتوزيع الأشرطة
السمعية.

دعم المشاريع الدعوية والعلمية
والتوعوية صلاحا للبلاد والعباد.

التنسيق المستمر للعلماء وطلبة
العلم في المحاضرات والدورات
العلمية والكلمات التوجيهية
بشكل أسبوعي.

إقامة ١٣ درسا أسبوعيا
في المساجد.

قسم الجاليات

إسلام أكثر من ثلاثة آلاف
شخص مابين رجل وامرأة

إقامة
١١ رحلة للحج
٢٧ رحلة للعمرة

تفطير أكثر من تسعة آلاف
صائم في شهر رمضان.

إقامة ستة دروس مستمرة
للجاليات بعدة لغات.

لطلب الكميات / الإتصال بقسم الدعوة في المكتب

المكتب التعاوني للدعوة والإرشاد وتوعية الجاليات بالربيع

الرياض - حي المنار - خلف مستشفى اليمامة

هاتف / ٠١٢٣٥٠١٩٤ - ٠١٢٣٥٠١٩٥ فاكس / ٠١٢٣٠١٤٦٥

رقم الحساب: ٣٤١٠٠٣٩٠٠/٤

